

82  
1919  
33  
1919 / 2

1919  
5

მედიტაციული პიუჯიტილები

II სერიის  
ფანი 6-ე მანეთი.

№ 6.

# მშაპაპის მათრასი

ტ. შანიძე,  
დეკემბრის 28  
1919 წ.

სამხრეთისკენ.



შიო

დენიკინი. როგორც ვატყობ, ამ ბოლოს დროს ბოლშევიკები ცოტა არ იყოს, მაწუხებენ. მოდი, თუ  
სამხრეთისკენ მივაწევები! ...

კ. შანიძის სახ. ს. შანიძის  
სახელობა / ...  
სამხრეთისკენ

# გვარდიელის დღიურიდან.

## წერილი II.

ამხანაგებო! თუ თქვენ მეხსიერება არ გვალა-  
ტობთ, ჯერ დავიწყებული არ გექნებათ ჩემი პირ-  
ველი გაბედული გამოხვლა გვარდიელობის ასპარე-  
ზზე. ამის შესახებ მე თქვენ მოგახსენეთ და თუ არა  
და გადაუქარბებლად ჩემს პირველ წერილში ამ  
ორი კვირის წინათ.

ამ წერილში მე მსურს ავიწეროთ თქვენ, ახალ-  
გაზრდა გვარდიელებს, და აგრეთვე რეგულიარულ  
ჯარისკაცებს, ისტორია ჩემი თანდათანობითი გან-  
ვითარებისა.

პირველ ყოვლისა მე აჩრდილივით თანამდევდა  
ერთი მძიმე თეორიული საკითხი, სახელდობრ სა-  
კითხი მილიტარიზმში გადავარდნისა, ანუ უკეთ  
ვსთქვათ, შეტოვისა. გუშინდელ ბანკეტზე პატრუ-  
ცემულ თამადის, ნიკოს მიერ წარმოთქმულ სიტ-  
ყვისა არ იყოს დღეს ყველამ იცის, რომ: იარღი  
უნდა ეპყრას მეომარს და არა მეომარი ეპყრას  
იარღს. რომ ამ უკანასკნელ უკიდურესობაში არ  
ჩავვარდნილიყავი, მე ყოველთვის მაგრათ მეჭირა  
თოფი ხელში და არასოდეს თოფს არა ვტყრივარ.  
ამ მხრივ ჩემი განვითარების დაჩქარებას ხელს უწყ-  
ობდა კიდევ ერთი გარეშე მიზეზი.

უნდა მოგახსენოთ, რომ ვალოდა სულაქველიძე  
მაშინ ჯერ კიდევ არ იყო თფილისის მილიციის  
უფროსად დანიშნული და თფილისის ქუჩებში არა  
თუ თოფით, პალტოთი და საათით გამოსვლაც სა-  
შიში იყო. ხუმრობა საქვე ხომ არ გგონიათ, სა-  
ვარჯიშოთ მიმავალს შეგვხდეს ვინმე ქურდი ლა-  
წირაკი და წაგართვას თოფი. მოდი და უყარე კა-  
კალი! სიკვდილით დასჯა მაშინ კანონით აკრძა-  
ლული იყო და თუნდაც არ ყოფილიყო, ერთი ვინ-  
ტოვკის გულისთვის კაცს ხომ არ მოვკლავდი.  
ღიახ, დღეს თოფიან გვარდიელს უშიშრათ შეუძ-  
ლია სიარული ქალაქის ქუჩებში. მაგრამ მაშინ  
ეგრე არ იყო და როცა სავარჯიშოთ მამადავითის  
მთაზე სიარული განვიზრახე, გერასიმეც თან ავი-  
ყოლიე, უმთავრესად იმ მიზნით, რომ ქუჩებში  
ჩვენთვის თოფი არავის წაერთმია და ამით ვარჯი-  
შობის საშუალება არ მოესპო. გერასიმეც საჭიროთ  
სცნობდა ამ შეკავშირებულ გამოსვლას.

ნაწვიმარი ნაშუადღევი იყო, როცა მე და ჩემმა  
თანამგზავრმა ფრთხილად ავიარეთ მთაწმინდის ქუ-  
ჩა და ეკლესიის დასწვრივ, როცა თავი სამშვიდო-  
ბოში ვიგრძენით, პალტოს ქვეშედან თოფები გა-  
მოვამტრინეთ და არხეინათ ავედით ფუნუკულიორის  
დაბლა მინდორზე.

— აი გადახედე, ძმაო, შენ რომ არასოდეს არ  
გჯერა, ნახე დაბლა რა ნოტიო და აქ როგორ  
მშრალია; მითხრა ჩემმა მეგობარმა და როცა კარგა

დავაცქერდი დაბლობს, ქალაქის შუაწილზე მართ-  
ლა უზარმაზარი მდინარის ზოლი დავინახე.

— ჩემის აზრით ეს მშვენიერი სავარჯიშო აღ-  
გილი გამოვნახეთ— შევნიშნე მე გერასიმეს.

— აი ეს არხი, რომელიც წყლით არის სავსე,  
ჩვენ სანგრის მოვალეობას გაგვიწვედა, ნოტიო რომ  
არ იყოს. შენიშნა გერასიმემ და უკმაყოფილოთ  
თავი გაიქნია.

— გარემოებამ იცის, მეგობარო, თორემ უკე-  
თუ საჭიროება მოითხოვს ახლაც გაგვიწვეს სანგ-  
რობას, — ჩვეულე რივის გაბედული კილოთი შევნი-  
შნე მე და თან დავსძინე— ომმა არ იცის, ჩემო  
კარგო, ნოტიო და სიმშრალე. გერმანიის ფრონტ-  
ზე ყოფნის დროს ჩვენ მთელი თვეობით გვიწვედა  
წყალში წოლა... რამდენჯერ გამომღვიძია, წამო-  
ვწეულვარ და ველარ ავღდგარვარ, ვინაიდან ღამით  
თურმე ჩაეყინულვართ წყალში... ეს პატარა სიც-  
რუე იმიტომ დამჭირდა, რომ ვატყობდი, ციმბი-  
რის ამბების მოყოლის დროს გერასიმე არა ნაკ-  
ლებ მატყუებდა...

— მე მაგას ვერ ვიზამდი... გადაჭრით მიპასუხა  
გერასიმემ და ოდნივი ღიზლით მამცნო, რომ სა-  
ექვოთ მიაჩნია ჩემი ნაამბობის სიმართლე.

— აი ის ბოძი ჩემის აზრით საუკეთესო სამი-  
ზნო იქნება, განაგრძო მან— მეტი სისწორისათვის  
ამ გაზეთის ქალაქს გავაკრავ და შევატყობთ, ვინ  
რამდენს მოარტყამს.

— მშვენიერი იქნება; მართლაც თითქო სავან-  
გებოთ მომზადებული სანიშნოა. დავემოწმე მე.

— დავიწყეთ ზომვა სასროლად საჭირო მანძი-  
ლისა და დავნიშნეთ სამი პუნქტი: ასი, ორასი და  
ხუთასი ნაბიჯებისა, რომლებიდანაც უნდა გვეწარ-  
მოებია სროლა.

— უნდა გითხრა, ძმაო, რომ სროლის დროს  
თვალის სისწორე ბევრს ნიშნავს.

— ბრუციანი შენ თუ ხარ არ ვიცი და ჩემთ-  
ვის კი ეს ჯერ არავის შეუნიშნავს, უკმეხი კილო-  
თი ვუპასუხე მეგობარს, — ჩემი უბედურება მხოლოდ  
ის არის, რომ სროლის დროს სრულიად ვხუჭავ  
თვალებს.

— მერე ხომ კი ახელ?

— მერმე რასაკვირველია.

— აბა ახლა დავიწყეთ, ნუღა ვაგვიანებთ.

გერასიმემ მოიმარჯვა თავისი „თათარი“ და  
მცირე ხნის შემდეგ გაისმა გულშემპარავი გრიალი.  
გაზეთის ფურცელი ოდნავ არ შენძრეულა. ცხადია,  
ტყვია განზე წავიდა. ჯერი ჩემზე მოდგა. მე თოფი  
მოვამარჯვე. სანიშნო შევასწორე, უკვე ამოვიღე  
ნიშანში გაზეთის შუაგულში შავად დაბეჭდილი  
სურათი, რომ უფრო მოულოდნელმა გრიალმა  
ჩვენი ყურადღება მიიპყრო.

— ნუ თუ ეგ ჩემი თოფი იყო? შემკრთალის

კილოთი შევეკითხე მეგობარს, რადგან მახსოვდა, რომ ჯერ ჩახმაზი არ გამომეშალა.

— არა მგონია. დამშვიდებით მიპასუხა გერასიმემ.— ეს ალბათ ჩემი თოფის ხმის გამოძახილია ბოტანიკური მთის კლდეებიდან. ეს მეც მეტეშმარიტა და მცირე ხნის შემდეგ კვლავ ნიშანში ამოვიღე ბოძზე გაკრული გაზეთის შუაგული. მრისხანეთ დაიქექა ჩემმა „სტეერმა“ და გაზეთზე არავითარი კვალი არ დასტოვა.

— ტრა! ტრა! ტრა!.. მცირე ხნის შემდეგ მოისმა ჩემი თოფის ხმის გამოძახილი ბოტანიკური მთის კლდეებიდან, მაგრამ მოისმა ერაზელ, ორჯერ, სამჯერ. ამ გარემოებამ ჩვენ ჯერ შეგვაქევა, მალე კი ექვიც გაგვიფანტა. ჩვენს თავზე ტყვიებმა ზუზუნნი დაიწყეს.

— გვესვიან!

— გვესვიან, კი!

— სროლა ჩვენს ირგვლივ თანდათან გახშირდა და ორგანიზაციული ხასიათი მიიღო. ტყვიები ზუზუნით გადადიოდნენ ჩვენი საფარის თავზე და მალე ფერდობში იკარგებოდნენ

— დაწეკი, დაწეკი! თითქმის მიკამანდის ხმით გადმომძახა გერასიმემ და თუცა მყივსე წავწეკ არხას უფრო მომშრალ გვერდზე, მაგრამ ჩემი თავმოყვარეობა მცირეთ მაინც შელახა ამ გარემოებამ. მე მწყინა, რომ ინიციატივა ხელმძღვანელობისა გერასიმემ აიღო ხელში და მე რაღაც მაჩანჩალა გამოვედი. მე ნათლად ვიგრძენი, თუ რისთვის არის გამეთვებული გენერალთა შორის ინტრიგა და ქიშპა. რაღაც უბრალო თავდაცვით კამპანიას ვაწარმოებთ და აქაც საუკეთესო მეგობრისადმი გულში შური აღმეძრა, რა უნდა იყოს დიდი ომების დროს.

სროლის ხმა თანდათან გვიახლოვდებოდა. მართალია, ვერავის ვხედავდი მაგრამ თოფის ხმაზე ვამჩნევდი, რომ ალყას გვარტყამდნენ. ტყვია ჩვენს მალა ბეგობს ხედებოდა და მიწას თავზე გვყრიდა. ვინაიდან გერასიმეს ახლო საფარი უფრო დაბალი იყო ის იძულებული გახდა მუხლაშდე წყალში ჩამდგარიყო და თოფი არხის პირად მშრალ ალაგას ამოედო.

— თოფი დამალე! კვლავ მოულოდნელათ გადმომძახა გერასიმემ და მეც უნებურათ ავასრულე მისი ბრძანება.

— დავნებდეთ თუ გავსცეთ პასუხი? შევეკითხე მე ჩემს მოულოდნელ ხელმძღვანელს. ამით მინდოდა ინიციატივა გაომეგლიჯა მისი ხელიდან, მაგრამ უნებლიეთ სრულიად სხვა შედეგს მივალწიე.

— ვის უნდა ვებრძოლოთ, ალბათ მილიცია, ან გვარდია გვესვრის.

— მერე?

— მერმე და ის რომ თუ შევებრძოლებით, მხოლოდ მოძქეთა სისხლი დაიღვრება.

ამ სიტყვებმა დიდათ დაამშვიდა ჩემი აღევლე-

ბული ბუნება. მე ახლა კიდევაც მიხაროდა, რომ ინიციატივა გერასიმეს ხელში იყო. ეს უფრო დინჯი კაცია, გული უბრალოზე არ მოუვა და ომში ნერვების სიმტკიცის საჭიროება თვით ჰინდერბურგისაგან გვაქვს ჩვენ გაგონილი.

ჩვენს მახლობლათ უკვე გამოჩნდა რამოდენიმე აღიმიანის ფიგურა, რომელნიც სიფრთხილით გვიახლოვდებოდნენ და ალყას გვარტყამდნენ. გერასიმე არც ამან დააბნია და იხელთა რა დრო, ზუმბაზე წამოცმული თეთრი ცხვირსახოცი თამამად ააფრიალა ჩვენი სანგრის თავზე. მტერმა შენიშნა ის. შენიშნა ესა და სროლა შესწყვიტა. ჩვენ იმედი მოგვეცა უსისხლოდ მშვიდობიანობის ჩამოგდებისა. გერასიმე იმდენათ გათამამდა, რომ წყლიდან სრულიად ამოვიდა არხის ფერდობზე გაწვა. თავდაესმელთა რკალი თანდათან მოიწურა. უკვე გვესმოდა მრისხანე ხმა:

— დაგვნებდით!

— დაპყრეთ იარაღი!

— სროლა არ გაბედოთ!

ერთი, უფრო გაბედულთაგანი, შოლერილის თოფით ჩვენს საფარს თავს წამოადგა და ამ უხერხული მდგომარეობიდან გამოგვიყვანა. ჩინ სწრაფათ ავდექით. მალე ყოველი მხრიდან შემოგვეტყენ სულ ნაცნობი პირები და უნდა გენახათ მათი გაკვირვებული სახე.

— კაცო, შენ ეშმაკი არა ხარ? მკითხა ერთმა უფრო დაახლოვებულთაგანმა.

— განა ასე ძნელია ჩემი ცნობა?

— არა, გოცანი, მაგრამ ვერ გამოვიდა აქ რა გინდოდა. რას აკეთებდი ამ თხრილში.

— რას ვაკეთებდი, მეგობარო, და იმას რაც თვითეულმა გვარდიელმა უნდა აკეთოს: ვალიკომ გამომაგზავნა სავარჯიშოთ. ეხლა ხომ იცით იარაღი ჩვენი საწერკალამიც, ჩვენი სახნისიც და დანა-ჩანგალიც.

— აბა ჩვენ რა ვიცოდით ესენი. გუშინ აქ დაბლა სასაფლაოზე მგზავრები გაცარცვეს და ქურდებს ვდარაჯობდით. სროლამ შეგვიყვანა შეცდომაში.

— ჩემთვის ეგ ძლიერ სასიამოვნოა. სიმართლე გითხრა ძლიერ მესიამოვნა, რომ ასე ფხიზლათ სდარაჯობთ რევოლიუციონურ წესრიგს.

„ჩვენ კი ვდარაჯობთ, მაგრამ თქვენ არღვევთ წამ და უწუმ“ ჩაილაპარაკა ჩუმათ ერთ-ერთმა გვარდიელმა.

— ეს ყმაწვილი ვინლა არის? იკითხა რაზმის ხელმძღვანელმა გერასიმეზე, რომელსაც ახლა მეტი შიში და დარცხვენა ეტყობოდა ვიდრე, ბრძოლის დროს.

— ეს, მეგობრებო, ჩვენი მანისტრის ამხანაგია.

— ეხლა ვინ არ არის მანისტრის ამხანაგი, ჩემო კარგო. უკაცრავად ვართ რომ შეგაწუხეთ.

— მე ბოდიში მოვიხადე გერასიმეს მაგიერ. გვარდიელები ხელცარიელი დაბრუნდნენ ქალაქისაკენ. მართალი მოგახსენოთ აღარც ჩვენ დავრჩენილვართ დიდ ხანს, მუხლებამდე დასველებული გერასიმე ნოტიომ ძლიერ შეაწუხა და შინისკენ დავბრუნდით.

სალამოს ცოტა სიტყვით მოგვცა ორივეს და ამის გამო ვალიკო ველარ ვინახულე, რომ ჩემი სამხედრო გაკვეთილის ამბავი მისთვის გადამეცა. მეორე დღეს კი გული მომიკლა სამწუხარო ცნობამ. ვალიკო ავთამყოფ გერასიმესთან სანახავად მისულიყო, ამ უკანასკნელს კი მთელი ეს ამბავი ისე გადაეცა ჩვენი გვარდიის ხელმძღვანელისათვის, თითქო მე მასში არავითარი მონაწილეობა არ მიმეღოს, მაგრამ მოგახსენებთ: ტყუილს მოკლე ფეხები აქვს. პირუთენელი ისტორია გამოარკვევს ყველაფერს და თავის კუთვნილს ყველას მიუწყავს. ვალიკომ უჩემოთაც გაიგო საქმის სრული სინამდვილე და როცა შემთხვევით სასახლის ბნელ კარიდორში დამეჯახა და მიცნო მითხრა:

— შენ, ჩემო ძმაო, როგორც გავიგე არ ხუმრობო. ან კი რა დროს ხუმრობაა.

**ეშმაკი.**

**ქრონიკა.**

● ჩიბათის თემის გამგეობამ გადასწყვიტა, ჩიბათს და ლესოს შორის, ნაცლვათ საურმე გზისა მოაწყოს ნაგებობით მიმოსვლა ამ მიზნით დანგრეულ იქმნა ყველა ბოგირები და ლელეები მოკენილ გზაზე გაყვანილა.

● ლესის სამკითხველოს გამგეობა აცხადებს — ვინაიდან ყოველ დღე აუარებელი უქრანალ გზებები მოგვდის, ხოლო სამკითხველოს შენობა ვიწროა, ამიტომ მისი განყოფილება გაფხენით ლესა-ჭინათის აფთიაქში.

● სასურსათო კრიზისის მოსასპობად მთავრობას გადაუწყვეტია ხელახალი რეორგანიზაცია მოახდინოს ამ უწყებისა. განზრახულია მომარაგების სამინისტრო ისევ გამოეყოს შრომის სამინისტროს. უკვე საკმაოდ გამოარკვეულია, რომ ვინც შრომას გაურბის ის ყოველთვის მომარაგებულია სურსათით.

ყოფილ სასურსათო საბჭოს ფუნქციები და მთელი სურსათის დაგროვების საქმე ეკისრება რესპუბლიკის სენატს. (საკასაციო დეპარტამენტში), ხოლო რაც შეეხება სურსათის განაწილებას ეს პირდაპირ ევალება საკათალიკოზო საბჭოს. დაწვრილებით ამ პროექტის შედგენა-დამუშავება დაევალოს ცხენოსან დივიზიის ასეულს. პროექტი იფა-ლისწინებს საზოგადო ორგანიზაციების და კერძო ინიციატივის გამოყენებას. ამ თვალსაზრისით ერო-კავშირს, ქალა-კავშირს და კოპ-კავშირთ ევალებათ

ტომრების შექმნა და დაკერება სურსათისთვის. მომხმარებელთ კი მხოლოდ ქამაზე ზრუნვა, რაში-აც ფართე ინიციატივს გამოჩენის უფლება ეძლე-ვათ. დასასრულ საქიროა ალინიშნოს, პირველ სა-ქიროების საგნებზე ნიხრის დაწესება უნდა მიენ-დოს ფირალმონიული საზოგადოების გამგეობას, ხოლო მის დადგენილებათა ასრულება გოგილდის აბანოების მექისეთა არტელს. („საქ. რესპ.“)

● ჩვენი პარლამენტის საბიუჯეტო კომისია გვთ-ხოვს გამოვაცხადოთ, რომ ბიუჯეტის შედგენა ფერხდება არა ქალაქების სიმკირით, არამედ ცი-ფრების უქონლობით, ვინაიდან სამატემატიკო მეც-ნიერებაში დღეს არსებული ციფრების ნიშნები არაა საკმარისი გასაგლის რაოდენობის აღსაწესა-ვად. ციფრების ზედმეტ საქირო ნიშნებს ამ ქამად იგონებს ხელოვნების კომისია.

● ფირმა „კოსმოსის“ მიერ ჩამოტანილი მანუ-ფაქტურა, როგორც დანამდვილებით გავიგეთ, ისევ უკან შიქვთ, რადგან მომარაგების საწყობებში ცარიელი, თავისუფალი ადგილი არ აღმოჩნდა. („სიბუნინი“)

● საზავო კონფერენციის უმაღლეს საბჭოს გა-ნუშმარტავს, რომ საფრანგეთში გასარეკ გერმანიის ძროხებს თან უნდა გააყოლონ ის ხბოებიც, რომე-ლნიც დაიბადნენ ომის წარმოების ხანაში. გერმა-ნიის ნაციონალური საბჭო ამაზე პროტესტს აცხა-დებს. ამბობენ ვილსონი ამერიკის სენატში თავის 14 პუნქტს ისევ განიხივებდნენ. მარშალ ფოშს ებრძანა ჯარების გაძლიერება.

● რადგან ოფიციალურ დაწესებულებებში ქა-ლალდების დაკარგვა გრძელდება, განძრახულია მოხელეთა ბატალიონების გაუქმება. მათი მოვალე-ობის ასასრულებლად იწვევენ გვარდიას. („თეატრ. და ცხოვრ.“)

● „ივერიის“ თანამშრომლებს დაუდგენიათ შო-ბა ახალწელიწადი ილდესასწაულონ ორჯერ. პირ-ველად თფილისში ახალი სტილით და მეორეჯერ პროვინციებში ძველი სტილით. გაზ. „კლდე“ ამის გამო უკიყინებს „ივერიას“ სიწითლეს და მოწინავე წერილში ნათლავს მას მოლაღატე ამხანაგად. („კლდე“ როგორც ვიცით უარყოფს ახალ სტილს).

**იანვთი.**

ერთ რამესა გთხოვ, მისმინე ეშმაკო შენსა ლხენასა: ნუ დაგვაბადლით, მკირე ხნით იანეთს გადმოფრენასა. უმაღლ შეგზვდება, გზის პირად ბაზარი მწყობრად დებული მუნ საზოგადო ღუქანი, დღეს მეცხრედ გაკორებული ვისაც მიანდვეს შექამა ვალი დაგვედო ყველასა.



სოფელი სტირის და შენგან  
 მოელოდება შევლასა.  
 სამკითხველოსაც იხილავ  
 იქ, ბაზრის პირად გდებულსა  
 და ოდნავ ესალბუნები  
 ყველასგან დაობლებულსა.  
 აქაც მიხვდები, ვის უნდა  
 ზურგზე წაცხება ზეთისა,  
 და თან მათრახის მიცხება,  
 მეუფევე ჯოჯობეთისა!

დ. ილოშვილი.

### პატარა ფელეტონი.

#### ხაზს ვუსვამ

„ხაზს ვუსვამ“!

აბა ვინ, რომელი ჭკუათა მყოფელი ადამიანი წარმოიდგენს, რომ ამ ორ, სრულიად უბრალოსა და თითქმის უშინაარსო სიტყვას ჩემი მოთმინებიდან გამოყვანა შეუძლია. ეს კი ასეა!

ამ რამდენიმე დღის წინათ, როცა დამფუძნებელი კრება ქართველ კულტურულ დაწესებულებათა შესახებ დეკრეტს არჩევდა, მე ჟურნალისტების ლოქაში ვიჯექი სრულიად სადი, საღ-საღამათი. არავითარი ნიშანი წყენისა, აღელვებისა, მით უმეტეს ავთიმყოფობისა, ჩემს ორგანიზმს არ ემჩნეოდა. წინააღმდეგ ჩვეულებისა, მხიარულ ხასიათზედაც ვიყავი, ვინაიდან ზემოაღნიშნული დეკრეტი სიხარულით ავსებდა ჩემს გულს.

— მადლობა ღმერთს, ვფიქრობდი ჩემს გუნებაში, — ამ დიდებულ დღეს ჩვენი ისტორია განსაკუთრებით აღნიშნავს.

მომხსენებელმა თითქმის დაასრულა ლაპარაკი დეკრეტის საჭიროებაზე და დასასრულ დასძინა:

— პატარებო! ნუ დაგავიწყდებათ, რომ ჩვენი კულტურულნი დაწესებულებანი და მოღვაწენი გასაქირ გასაქირს განიცდიან. ამას მე კვლავ ვიმეორებ და ხაზს ვუსვამ.

რალაცამ თავში დამკრა, მთელ ტანში გაიბინა, ფეხებში ჩავიდა და ფეხის თითებიდან დახეული ჩექმის ქუჭრუტანებში გაძვრა. პირველ ხანად ვერ გავიგე რა იყო მიზეზი ამ ჟრუანტელისა ისე მოულოდნელი და უეცარი იყო მოვლენა მისი.

„ხაზს ვუსვამთ!“ „ხაზს ვუსვამთ!“! ღმერთო ჩემო რა საშინელი და საბედისწერო სიტყვებია. არ ვიცი ამაზე საშიშარს მე რას გავიგონებ. დარწმუნებული ვარ, ეს ორი სიტყვა ჩემ სატანჯველათ არის მოგონილი, ეს ყოველივე ეჭვს გარეშეა. ჩვეულებისამებრ იწყეს გამოსვლა ფრაქციის ორატორებმა.

პატივცემულმა ივ. გობეჩიამ აღნიშნა, რომ ის ხაზს უსვამს კულტურული მუშაობის ხალხში საჭიროებას. შალვა მესხიშვილის აზრით ხაზი უნდა

გავსვას იმ თავდადებულ მოღვაწეობას, რომელსაც ჩვენი კულტურული დაწესებულებანი აწარმოებენ. გიორგი გვაზავას თქმით ნაციონალ-დემოკრატიული პარტია მხარს უჭერს მთავრობას ამ დეკრეტის მიღებაში და ამ გარემოებას უთუოდ ხაზი უნდა გავსვას. ვეშაპელის სიტყვიდან მხოლოდ „ხაზი“ გავიგონე და აღარ ვიცი იმანაც გაუსვა თუ არა.

როცა მოვსულიერდი და გონს მოვედი, მხოლოდ მაშინ შევნიშე რომ პარლამენტის ქვესტორის სავარძელში ვიჯექი და სერგო თავს დამტრიალებდა.

— კიდევ გაუსვეს? შეშინებულისა და მიმკრათლი ხმით ვკითხე ჩემს ჭირისუფალს. რას გაუსვეს? რა დაგემართა ბიჭო. შენ ასეთი ამბები არ იცოდი წინათ.

სერგომ მყისვე გამოიყვანა კრების სხდომიდან ექ. ივ. გომართელი. კარგა ხანს მატრიალა ექიმმა, ბოლოს ჩუმის ხმით სერგოს გადაეფურჩულა.

— ხშირათ უშვება ეგრე?

— ეს პირველი შემთხვევაა, ექიმო, მე კარგა ხანია ვიცნობ მას და არასოდეს ასე მოულოდნელათ გული არ შესწუხებია.

— იქნება უქმელების ნიადაგზეა.

— ეს ყოვლად შეუძლებელია: გუშინ ბართლომესთან იყო სადილათ, გუშინ წინ სიმონთან.

— შეიძლება შრომისგან არის დაქანცული.

— ეს ადვილი საქმეა. აი დღეს იმდენი ილაპარაკეს საზოგადო მოღვაწეებზე და არავინ მათ უზომო შრომას ხაზი არ გაუსვა, რომ...

— მიშველეთ!.. ინსტიტუტურათ ამომხდა საშინელი ხმა და გულშეწუხებული კვლავ სავარძელში მივესვენე.

მას შემდეგ აგერ მესამე კვირა გადის და სიტყვები „ხაზს ვუსვამ“ ჩემის გონებიდან არ გამოდის. ვერ გამივია, თუ რას უნდა მიეწეროს მისი ამგვარი ჩემზე გავლენა. ძველათ, დაუფიწყარმა ფილიპე მახარაძემ იცოდა: „მე ამ სიტყვებს ხაზს ვუსვებო“. ცოტა შედგომ საკუთარის თვალით მინახავს ჩვენი ძვირფასი ცენზორის მიერ „ხაზგასმული“ ადგილები. იქიდან მოკიდებული ვიდრე დღევანდლამდე მესმის სიტყვები. „ხაზს ვუსვამ“, და გასაგარიც არ არის თუ მან ჩემზე ასეთი გავლენა მოახდინა.

დღეს თქვენს წინაშე განსაკუთრებით უნდა აღვნიშნო, რომ მე ნერვებს მიშლის უკვე ცალკე სიტყვა ხაზიც. ამ სიტყვამ შემაძულა კრებები, ლექციები, მიტინგები, დამფუძნებელი კრების და მისი ფრაქციების სხდომები. ყველგან თითოეული ორატორი „ხაზს უსვამს“ თითქოს განძრახს სურდეს ჩემი გულის გახეთქა.

ამხანაგეო, ნუ „უსვამთ ხაზს“ ღვთის გულისათვის. ზოგჯერ იქნება აჯობოს „განსაკუთრებით რომ აღნიშნოთ“ ვინ იცის.

შორიელი.

# „ეჭმასკის მათრახნი“.

## კელაქსიის აღკვესი:

თფილისი: რუსთაველის პროსპექტი, № 24.

### შემდეგ ნოემერი

# „ეჭმასკის მათრახისა“

გამოვა იანვრის პირველს:

## ს ა ა უ ა ლ ფ ლ ლ.

### გურული სცენა.

რაფა შივა თლა უკან-უკან ჩვენი საქმე! ვფიქრობდი: დღეს-ხვალ, დღეს-ხვალ, აგერ ამ წელიწადს თუ გადავრჩი, მერე აფერი მიჭირს მეოქინ, მარა, არ შეგკამოს კირმა, სულ უკან-უკან მივა ქვეყანა. მაინც, ამ სიმინდის ყიდვის ჯავრმა თლად მომახუცა კაცი. კაცო, რომ არ იქნა და არ იქნა, ერთი მაგი მქონოდა საყოფი?! რა არ ვქენი წროულს, გადავდვი თავი, თუ სამე მოდვილაი მქონდა, ყველა ყანათ ვაქციე, ცოლს უთხარი: „მგვიტია, ა, ახლა მინდებხარ, თუ ხარ ჩემი აფხანაკი, ამდენ ყანებს მე მარტული ვეფერს უზამ, თუ შენც არ დეიფრიალე თოხი, მომეხმარე, რამენაირად, აი სიმინდი მევიწიოთ საყოფად და მერე თუ რამე ორ კაპიკს შევარე ხელი, რაცხას კი შეგიკერავ ტანზე მეთქი, თვარა, თუ სიმინდი კილომ საყიდელი გვექნა, ჩემი შემოსავალი: თუთუნის იქნება, თხილის თუ ვოტკის სულ სიმინდში წავა თქვა. იკადრა ხომ, დეიფრიალა თოხი რჯულზე, კალამ სირცხელი მაქამა, მუშაობაში კალამ მაჯობა. ქე იქ-

ნებოდა გვარიანი კაი ყანა, მარა, რაღაი მერე, რუმ დუბერა ზარიამობისთვეში ქვენამ, ისე მიაწვინა სუყველე ქედზე, რომ იმის აყენება არ იქნა და არ იქნა... დიესხა წყალი თავზე ჩემ იმედებს რუმ ველოდი, იმის მესამელიც არ მომი ილა სიმინდი... ახლა, რას შობი? ნუგეშინია მეგრელიესკენ არ ვქნა პირი... ვაი, ნენა, რავა დავწყტებით შიმშილით, მეგრელიე იყო ჩვენი ნუგეში და ახლა რაღაი. ქე დამიწყევლია ხშირად მეგრელები, მაინც შარშან წინ ნამეტარი გუფვიდენ გულს, სიმინდი იგენს ქონდა და მის ხელში ვიყავით, რას ვიზამდით, რასაც მოგვთხო და, ყოლიფერი იგენიზა უნდა მიგვეტანა: ქალების კაბა, პოსაპოშკები, ღიტარა, შინელი, შარვალი, პერანგი და მისი აფხანიკი, აბა ფულს რავა უმზერდენ, ხელს არ კიდებდენ; ბარგორჯელ ამოვადალაგე წყევლით ჩემი ეგვიტიეს ახალთ-ახალ კაბაში ერთი ფუთი სიმინდი რომ ჩამიფცქვია ტუმარაში... არა, როცა რამე გაქ, ღმერთი კი არ უნდა დეიფიწყო; კაია მაინც, ნახონ ერთი წროულს, რაფერია შიმშილი. ხანკკის მორება კაი არაა მარა, რავქნა, კაცი ღზნობიდან გამოსული ვარ... აგერ ქრიშობისთვეა და სასიმინ-

# საბჭოთა რუსეთი



თავისუფალი ნების გამოხატვა დემოკრატიისა.

დღში ერიში აქვენ თავგებს... რავექნა, აფერი ვიცი... რაფერ გუუძლო ყორიფელს, შიშილი ვეიტანო, სიშიშვლე თუ რამდენი რაი... საცოდავ ჩემ ცოლს ეგვიტიას თლად დაჯგუთული აქ ხელის თითები ლემსით. გეიკეთებს სათვალეებს, აბა ისე ვეფერს ხედავს, ჩამოუშობს ცხვირს გიდელივით ძირს დააკერებს და აკერებს ძველებს, დამიკერებს წინ, უკან გამომეხვევა, დამიკერებს უკან—წინ გამომეხვევა, სწორეთ მათხ ივარს ვგავარ, რა უყო, დევეგდები სახლში, კარში მაინც არ გამომესვლება, მარა აი საქმე რომ მაქ ათასი; სიღარიბე მაწუხებს თვარა, ერთი კაცი თუა სოფელში, მეც ქე ვარ და ქე მიძახიან ყოველგან. ერთი ზეწარი ქონდა ჩემს ცოლს ნაგვიითი, გადავაკეთეთ საცვლებათ, დემება, პაწა ჩემს ბიჭს გამუუკერე პერანგათ, დიება იმას, იმაზე უნცროს გამუუკერე ქალს კაბა ქონდა შავი, იგი შარვლათ გადავაკეთე და ჩევიცი, იმის გულიზა ერთი კვირე ყარა კურცხალი ჩემმა ეგვიტიამ, მარა, რას იზამდა... აბა, ჩვენს საბნებს ისე დიევეკვა სარჩული და პირი, რომ ნამდვილი სასიუე ბადეა, ერთ ლამეს კალამ დემებრჩეა ლოგინში ჩემი პაწაი ბიჭი, ესიკელე; დავწევით,

დაგვიძინებია, მაინც იგი უბედური ბიჭი შესაწვავ გოჭივით ტრიალებს თელი ლაქე ლოგინში. გაბანდულა საბნის დაკონკილ პირში, წასჭირებია კისერში და ქე ხროტინობდა, გადმოვბრუნდი, ვნახე, რას ნახავ! გაბმულა ბიჭი საბანში, გამობერილა და ქე იხიობა, დავატანე ხელი საბანს, ფურთხაშ-ფურთხაშათ მოვაქციე და გადავარჩინე დახრობას, ცოლმა მომაწყევლა: შენ დეგება შიგანი, საბანი რუმ არ დაგებია, ისთე არ იქნებოდა?..

— თუ არ დაგებევა შიგანი, ავერ ნახავ გაზაფხულზე, რომ ერთი ლუკმა აფერი გექნება, საბანი კი არა სიმწრით გაზდილი შვილი მებრჩობოდა მეთქინ... მივაყვირე... ახლა ვაწებეფ კაპეიკს კაპეიკზე, აღარც ტანს ვჩივი და აღარც ფებს, ყოლიფერს ვყიდი, თუკი რამე მაქ: ღვინოს და ოტკას ჩემსას საზიარებლად ვერ იხილებს კაცი, ყველე უნდა გავყიდო, თხილი მაქ პაწაი, იმასაც მივაყიდი, იქნება მუუყარო ფარას თავი, მარა რამდენს მუაგროვებ, რომ სიმინდეს ყიდვას გუუძლო. ყოველ საათში რომ მატულობს მისი ფასი... გუშხამ პარასკევობაში სიმინდე ფუთი ოცდა ორი თუმანი იყო, დღეს ოცდა ხუთი თუმანი გამზთარა,

# მსხვილი სპეკულიანტები.



— თქვენ უნდა გახსოვდესთ, რომ აღებ-მიცემობა ადვილი საქმე არ არის; აი, ამ ერთმა კოლოფმა სწიპამ შეიძლება დაგღუპოს, და შეიძლება აგაშენოს! საქმე ბაზარი და კურსია!

რაქანა, აღარ ვიცი, ჯავრით გაღვირევი და ივია... საშველი რომ არ არის? ღმერთი არ მისცემს საშველს, ვინცხამ აი ქვეყანა არია-დარია თლათ... მაინც რომ გადაფარდა საფეხურაზე ქვეყანა, არ იქნა მისი მობრუნება, აქნობამდე რაცხას ქე მიკეთებდენ გულს, ქე გევიგონებდი კრებებზე იმედს, სანუგეშო სიტყვეს. ახლა ველარც კრებებს ვხედავ, და ველარც ვერაფერს, ჩვენი ვორატორები და კოციალისტები ვინც კი იყო, ყველაი თფილისში გეიქცა, კაკალი კაცი არ იტდის სოფლებში; არც კომისარი, არც უჩიტელი, არც ინტიგენტი და არაკაცი, რათ უნდებიენ ახლა სოფელი, ნიკოლოზეს არ ეშინიან და იგი დროი ქე დაავიწყდენ, რომ მოფურცულობდენ ანგელოზ დაფეთებულები შიშისაგან სოფელში, ჩემსას იგენიზა გას-

ტინცა იყო, ხან ერთი იმალებოდა და ხან მორე, ისეთ რამეებს მეუბნებოდენ; რომ თუ ამ დროს მევესწრებოდი, რავა მეგონა აგი.—თუ ნიკოლოზას ძირს ჩამოგდებას მივესწარით პეტრიავე, მერე ნულარაფერის გეშინია, ასე გაქვირებული არ ვიქნებით, გული არ გეიტებოვო, მანუგეშებდენ, ახლასად არის ერთი კეკალი, ნუგეში ახლა მჭირია, ამისანა გაქვირებაში მე არცაროის არ ვყოფილვარ მარა, ახლა ვის ნახავ სოფელში. ნეტაი რა უყრით იმ თფილისში რომ ყველაი იქინე არკობს თავს, ან რა არჩენს ამდენ სარესკელ ხალხს იქინე? არ ვიცი, არ ვიცი, რაფერ იქნება ქვეყნის საქმე? ქე ვხედავ, რომ კაი არაფერი იქნება, ქვეყანა იქცევა, მარა ფულუ ავით ყველეს უწინ რაფერ დევიხარო თვალები? **ლუკაივის ობოლი.**



# წვრილი სპეკულიანტები.

თიღაბ შამეტონ



ერთი მათგანი, დილის 8 საათზე ავლაბარში უნდა ვიყო ყალბი ბონების ქარხანაში... 9 საათზე ნავთლულის სადგურზე ჩამომივა მცირეკუროს კახური არაყი... 10 საათზე საშინისტროს დერეფანში ზიპოს უნდა შევხვდე ლობიოს ნებართვის გამოსაყიდათ... 11-12-მდე მომარაგების კომიტეტთან უნდა ვიდარაჯოყება რაზე გამოდნეს... შემდეგ, 1 საათზე კოლპერატევთა კავშირში მივიღე და უნდა ერთი პარტია მოცვის ჩაისთვის ცვილონის ჩაის ბანდეროლები უნდა გამოვაწვირო. 2 საათზე საბაეოს კარებთან ლუარსაბი დაშვდება და მეტყვის, მომცემს თუ არა მის ვაგონს ბათომში კონიაკის წასაღებათ... შემდეგ „წორის წყალში“ „კომუნიტიბთან“ ღორის მწვადები და კახური მიცდის... სალამოს, თუ ბაქოს მატარებლით მამედ-ოლლი არჩამოვიდა შაქრის წასაღებათ, იქნება ერთი წუთით უნივერსიტეშიაც შევირბინო ლექსიაზე ქეთოს ლოყებზე საჩქვეტად...



იხილეთ ეს წიგნი, მისივე სახელით, რომელიც უნდა იქნება თქვენთვის სასარგებლო...  
 იხილეთ ეს წიგნი, მისივე სახელით, რომელიც უნდა იქნება თქვენთვის სასარგებლო...  
 იხილეთ ეს წიგნი, მისივე სახელით, რომელიც უნდა იქნება თქვენთვის სასარგებლო...

დაგვიანებული

ბუტუნას რადიო

ფოთი. დენიკინის შეიარაღებულ გემ—„ლუ-ნაის“ ის დღე დააყენა ჩვენმა პატარა „ტარიელმა“ რაც ცნობილ ლოპს ისტორიულმა კოლომ. დაზიანებულმა „ლუნაიმ“ გაქცევით უშველა თავს.

„ტარიელის“ მამაცობით გარანდებულმა მოქალაქეებმა თავის საშველად გაქცევის მაგიერ მასიური „პერეგრეკა“ მოახდინეს ნავთსადგურისკენ, სადაც ყუმბარების გალობა მოისმოდა. ნაწილს ამ ხალხისას დენიკინის ნახვა აჩქარებდა, ხოლო უმრავლესობას მტრის წინააღმდეგ თავის განწირვა.

იქიდანვე ხალხში გავრცელებული ხმები, ვითომც ფოთის რაიონის ხე-ტყე უწყალოდ იჩეხებოდეს სიმათლეს „არ შეეფერება“. ტყის მეფემ (ლესნიჩმა) კინწლრეიშვილის რესტორანიდან კვინიხიძის ღინის საწყობამდე გულდასმით დათვალიერა ყველა „ტყეები“ და გარდა ბოქვებისა და რუმბებისა ვერაფერი აღმოაჩინა.

ის აუარებელი ხე-ტყე, რომელიც კაპარკინის რაიონში იმყოფება, როგორც ჩვენი ტყის „მცველები“ „ამტიცებენ“ ოსმალეთიდან ზღვის დღლვას შამოუტანია მალთაყვის სრუტეში.

მოწაფეთა ერთი ჯგუფი „კულტურული“ მიმიზნით აგროვებს ყოველგვარ სამოსწავლო ნივთებს მალაზიებიდგან პატრონთა დაუკითხავად და შეუქჩნევლად. ვილაც „რეაქციონერმა“ „წიგნებით მოვაჭრემ დაატყვევა ერთი ასეთი ქველმოქმედი თავის საქონლიანათ, და ცილიც დასწამა ქურღობაში.

დებეშები

ზესტაფონი. სადგურის უფროსი ბ. არხიზოვი ადგილობრივ თვითმმართველობებს ძლიერ უწყაბს ხელს დამშეულ მაზრაში რკინის გზით სურსათსანოვავის შემოზიდვაში. თითეულ მოქალაქეს შეუძლია შემოიტანოს სიმინდი, ლობიო და სხვა 5-10 გირვანქამდის, ხოლო სპეკულიანტებს ნება აქვთ გაიტანონ 100-200 ფუთამდე.

მაზრაში მასწავლებლებმა დამოუკიდებლობა გამოაცხადეს. ვიდრე მათ დამოუკიდებელ სახელმწიფოს სამშვიდობო კონფერენცია იცნობდეს ისინი მხოლოდ ეკონომიურ ფუნქციებს ასრულებენ: ამხადებენ,, მომარავების კომიტეტის საშვალეებით სხვა და სხვა პირველ საჭიროების საგნებს. შეძენა შეუძლიათ „უპროტექციოთ“ მხოლოთ მასწავლებლებს, „პროტექციით“ კი სპეკულიანტებსაც.

მუთანისში არსებობს ორი საღამოს კურსები. ერთი ჩინჩალაძის და მეორე მხეიძის გამგეობით. პირველზე ორასამდე მსმენელია, გადასახადი ჯერჯერობით ათასი მანეთია. მასწავლებელთა კოლეგია 12 კაცისაგან შესდგება, რომელნიც მეტის მეტ ბეჯითობას იჩენენ და ზოგჯერ მეცადინობაზედაც დადიან. გამგე ერთგულად და კეთილსინდისიერად ასრულებს თავის მოვალეობას: ფულებს თავის დროზე აგროვებს...

მსმენელები ორივე სქესისაა. წარჩინებულად მიმდინარეობს არშიეობის საქმე. საარშიეო რეპეტიციები დამთავრდა, ეხლა უკვე საქმიანობის ხანა დაიწყო. ასეთივე ფერის და გემოვნების არის მხეიძის კურსებიც, მხოლოდ იმ განსხვავებით, რომ იქ მეცადინობა ხან და ხან თავშესაქცევად სწარმოებს. ბ. გამგეს თქმით, ატესტატებს ყველა მიიღებს, ვინც ნორმაზე მეტს გადაიხდის. როგორც ხედავთ პირველშიაც და მეორეშიაც ცოტა რეორგანიზაციაა საჭირო და ჩვენ იმედი გვაქვს დღეიდან თქვენ ფერხთა ქვეშე მყოფი ჩინჩალაძის და მხეიძის კურსები ახალ ელფერს მიიღებენ.

ბ რ ძ ა ნ ე ბ ა

საჩხერის გენერალ-გუბენატორისა.

თანახმად საჩხერის მეღუქნეთა და მეარღნეთა კავშირის მოხსენებისა საჩხერის ყველა არაყით და ღვინის მოვაჭრე ღუქნების კომისრათ ვნიშნავ გრიგოლ ქებაძეს, ხოლო მის თანაშემწეთ—დრიტა პენტერა-კალისპერას.

სამშობლოსათვის თავდადებული მოღვაწეობისთვის და სამაგალითო ერთგულებისათვის, სათამაშოთა კურსების მოწყობისთვის და ახალ-მოღაზე არღნის ჭყრიალისთვის,—მეარღნე ჩოფურას (ვაგზლის ქუჩა, ღუქანი აღმასხანისა) ვაჯილდოვებ ჩაფი ღვინით.

უბრძანებ ერთ-ერთს მომრიგებელ მოსამართლეს-რათა მის მიერ მიღებულ საანკეტო ფურცლებში,—მოსამსახურეებს არ შეატანიოს ოჯახისის წევრები, რომელნიც უკანასკნელს ხელებში შეჩერებიან, წინააღმდეგ შემთხვევაში დაისჯებიან, როგორც ყალბი ცნობების შემკრები.

მიუწერ სასამართლოთა დაბალ საფეხურის მოსამსახურეთ, დაუყონებლივ დაშალონ მოსამსახურეთა კავშირები და ნაცვლათ ათისა იქონიონ მხოლოთ ერთი.

ყოველ კვირას დღისთვის, როდესაც ჩვენი დამშვენებელნი და საუკეთესო შვილები საწმო-

ბლოსი-სპეკულიანტები მობძანდებიან ხოლმე, გავახსენებ მცხოვრებთ, რათა მორთულ-მოკაზმული იყოს სახლების ღივები და გარე კედლები ნოხხალიჩებით, ხოლო ახლო-მახლო სოფლებს-დაამზადონ ყოველ კვირისთვის ასი ათასი ფუთი ლობიო სპეკულიანტებზე გადასმცემათ.

გენერალ-გუბერნატორ ღუმ-ღუმ

## ორი მეტოქე

(მოთხრობა-ამერიკული. ავტორი-იტალიელი. მთარგმნელი ქართველი).

ამ ამბის შემდეგ ქალაქი მინქი წარმოადგენდა არაჩვეულებრივ სანახაობას. რომ საზოგადოებრივი მშვიდობიანობა არ დარღვეულიყო გაზეთებს აეკრძალა ამ შემთხვევის შესახებ წერა; მცხოვრებნი გაუბოდნენ ერთმანეთთან საუბარს, რათა საშვალეება შეერჩინათ მუშაობისა, რესტორანებში გამეფებული იყო სამარისებური სიჩუმე, რომელსაც ხანდახან დაარღვევდა ხოთმე ვისიმე შეკავებული სიცილი, რომლის შემდეგ ყველა დამსწრეთ უცებ წასკდებოდათ საშინელი ხარხარი და, მოსალოდნელ დავიდარაბის თავიდან ასაცილებლად, სტოვებდნენ რესტორანს და გარბოდნენ სახლში. თეატრებში მხოლოდ ტრაგედიებსა და მელოდრამებს თამაშობდნენ. მუზეუმის წინ მოედანს ყველა ერიდებოდა, როგორც მოწამლულ ადგილს, რადგანაც გრძნობდნენ, რომ ახალი აფეთქება შეუკავებელი სიცილისა დამლუპველი იქნებოდა ქალაქის მცხოვრებთა უმრავლესობისათვის.

ორ კვირაზე მეტს გასტანა ქალაქში ასეთმა მდგომარეობამ, შემდეგ კი ცოტა-ცოტად ქალაქის ცხოვრება დაუბრუნდა ნორმალურ პირობებს. მომხდარ ამბის შესახებ უკვე აღარ იყო საშიში ბაასი, რადგანაც ნერვები მომაგრდა.

სიბურიჩის შესახებ კი მთელი ექვსი თვის განმავლობაში არ იყო არავითარი ცნობა. პირდაპირ სხდომიდან იგი წავიდა სადღაც და მას შემდეგ უკვალოდ დაიკარგა. მაგრამ ექვსი თვის შემდეგ მოვიდა მისგან წერილი. ღირსეული მეცნიერი გახარებული იყო: რომელიღაც დღეში სუმატრაზე მას აღმოეჩინა ახალი ჯიშის კიბო, ასე ვთქვათ პროგრესისტიული, რომელიც ნაცვლად რეაქციონურ თანამოგვარესავით უკან-უკან ხოხვისა, გაბედულად წინ მიიწეოდა.

სიბურიჩის წერილი, რომელიც დაიბეჭდა გაზეთ „მინქს ჰეროლდ“-ში, ასე თავდებოდა: „ასე ვუბახუბებ მე რაპაზონის მუხანათობას, რომელსაც, უეჭველია, აქვს საკმაო ნიჭი შარლატანობისა, მაგრამ

აღარ ძალუძს მეცნიერების სასარგებლოდ თავის განწირვა“.

წერილმა მოახდინა იმდენად დიდი შთაბეჭდილება, რომ გამარჯვებით მოამაყე რაპაზონი-შურის გრძნობამ მოშალა. საზოგადოებრივი აზრი მთელს ამერიკაში წმინდა ამერიკელი სიჩქარით გადაიხარა სიბურიჩისკენ. გაზეთებში დაიბეჭდა წერილები, რომლებშიაც დიდის ქებით იხსენიებდნენ გამოჩენილი მეცნიერის ენერჯიას და იმ დეაწლს, რომელიც დასლო მან მეცნიერებას.

მთელი ქალაქი გულის ფანჯალით მოელოდა სიბურიჩის დაბრუნებას და ემზადებოდა მისი შესაფერი შეხვედრისათვის.

მაგრამ ვაი რომ ამ შეხვედრას არ ეწერა განხორციელება! სამწუხაროა ბედი ადამიანისა საზოგადოდ, და გამოჩენილ კაცთა ბედი ხომ უფრო დაუნდობელია!

უბედური სიბურიჩი, რომელიც ბრუნდებოდა თავის სამშობლოში დიდძალი პროგრესისტიკობით დატვირთული, გზაში ხელში ჩაუვარდა ველურებს, რომელთაც არ დააყოვნეს ცნობილი მეცნიერის დაკვლა და მისი შექვა კიბოებთან ერთად.

სიბურიჩის დაღუპვის შესახებ ცნობა ქალაქში გამოაქვეყნა ამერიკის კონსულის სააგენტომ. ამ სამწუხარო ამბავმა საშინელი შთაბეჭდილება მოახდინა მთელ ქალაქში და ეს შთაბეჭდილება მალე გადაიქცა რაპაზონის მიმართ უსაზღვრო მძულვარებად. ხალხი რაპაზონს აბრალედა გამოჩენილ მეცნიერის დაღუპვას.

სწორედ ამ დროს გაზეთებში დაიბეჭდა კუნძულ ბორნეოდან ვილაც კორესპონდენტის წერილი, რომელიც იტყობინებოდა, რომ იმ კუნძულზე გამოჩნდა ადამიანის მსგავსი მაიმუნი, რომლის დაქერა ვერა ვერ მოახერხა. მეცნიერები დიდი ხანია ეძებდნენ მაიმუნს და ადამიანს შორის გარდამავალ ცხოველს, რომელიც აერთებდა ადამიანთა წინაპრებს მაიმუნებთან. კორესპონდენცია ეხებოდა აღმოჩენას სწორედ ასეთი მაიმუნისას და ეს აღმოჩენა უთუოდ დიდ განძს შეჰპატებდა კაცთა შთამომავლობის ისტორიას.

რაპაზონი მაშინვე ეცა ამ შემთხვევას, რომ საზოგადოებრივი აზრის წინაშე აღედგინა თავის პრესტიჟი და გაზეთ „ჰეროლდ“-ში მოათავსა ნხურვალე წერილი, რომელშიაც პირობას სდებდა, რომ უსათუოდ გაემგზავრებოდა ბორნეოს და იქიდან დაბრუნდებოდა მხოლოდ იმ შემთხვევაში, თუ შეიპყრობდა და ჩამოიყვანდა იმ მაიმუნს, ვინაიდან ამბობდა ის თავის წერილში ჩემთვის ჩემი ძვირფასი თანამემამულეთა ზიზლი სიკვდილზე უარესია.

წერილმა მშვენიერი შთაბეჭდილება მოახდინა, რაპაზონის პოპულიარობამ კვლავ იწყო ზრდა, და, რამდენიმე კვირის მზადების შემდეგ რაპაზონი უკვე

# ქველი და ახალი

...გვიხარს, თუ თქვენთვის ეს სტატიის წაკითხვა დასარგებლოდია. ჩვენს მიზანს ისარგებლოდია, რომ ჩვენს მკითხველებს შევუძლიაოთ, რომ ისინი შეძლონ თავი მოახერხონ ამ რთულ დროში. ჩვენ ვთხოვთ, რომ თქვენც შეძლოთ ეს.

...მეტი სიფრთხილე და ყურადღებაც გთხოვთ. ჩვენ ვთხოვთ, რომ თქვენც შეძლოთ ეს.



## (წებოტენ იბო)

...მეტი სიფრთხილე და ყურადღებაც გთხოვთ. ჩვენ ვთხოვთ, რომ თქვენც შეძლოთ ეს.

**ერთი ძველთაგანი.** რა მშვენიერი ბოლო აქვს ამ ახალგაზრდა პროფესორს!  
**მეორე ძველთაგანი.** ბოლო მრწამსს, მხოლოდ თავი მაკვირვებს!

გაემგზავრა ბორნეოს და სწორედ შესაფერ დროსაც ჩავიდა კუნძულზე, რადგანაც ადამიანის მზგავსი მაიმუნი იმ დღეებში უნახავთ კუნძულის ერთ მახლობელ ტყეში.

რაპაზონმა მაშინვე გასწია იმ ტყისკენ და თან წაიღო მთელი თვის სამყოფი სანოვაგე. მივიდა თუ არა დანიშნულ ადგილას, მან უკან გააბრუნა ყველა მისი მხლებელი და დარჩა ტყეში მარტო.

საქმე იმაში იყო, რომ დიდძალ მონადირეთაგან მაიმუნის დევნის უშედეგობამ რაპაზონი დაარწმუნა იმაში, რომ ცხოველი მეტად ფრთხილი და ჭკვიანი იყო და მის შესაპყრობად საჭირო იყო ახალი უფრო ჰუმანიური და მეცნიერული საშუალება. რაპაზონმა

მშვენიერად იცოდა მაიმუნის ენა, თავისუფლად შეეძლო ამ ენაზე საუბარი, და გადასწყვიტა ესარგებლნა ამ გარემოებით და დამეგობრებოდა ამ ცხოველს, გამოეყენებია მაიმუნთა თვისება მიმზადველობისა და შეეუტყუებია იგი ერთ ერთ დიდ ხაფანგში, რომელიც ააგო მან ტყეში ერთი ვითომ თავისთვის და მეორე მაიმუნისთვის.

დადგა ნადირობის პირველი საღამო. დარჩა თუ არა მარტოდ მარტო ამ ტყეში საშინელ მხეცთა შორის, უებარი მეცნიერი ცოტა შედრკა შიშისაგან მაგრამ გამარჯვების იმედმა იგი მალე აღაფრთოვანა.

როცა დაღამდა, მან აანთო დიდი ელექტრონის ფანარი, რომელსაც უნდა მიეპყრო ულრან ტყის ცხო-

# სტრიალური სურათები



ქალაქ მზარეული. მახოას, დროება! გახოს, ჩემო სოფიკო, ჩვენ ოთახში რომ სუფრას შემოვუსხდებოდით და ჩვენი გიორგი მოგვართმევდა ხოლმე ნაირ-ნაირ საქმელებსა?.. ეხლა კი?.. ვეგ? წარვიდნენ დრონი!...

ველთა ყურბანდება, და გულისფანცქალით დაუწყოს ლოდინი მათ მოსვლას. თუ შუაღამს იმდენი მალე მოირბინა მთელმა ჯოგმა ლომების, ვეფხების, სპილოების, ორბანგუტანების და სხვა მხეცებისამ, მაგრამ ეცა თუ არა მათ მაცნიერების სურვილი, მაშინვე კუდა მოსულებული უკან ვარბუნდნენ ტყეში. უნდა აღვნიშნოთ აქვე, რომ რაბაზონმა განგებ წაიციხა მთელ ტანზე თავისი შაქრის პომადო, მინაიდან იცოდა, რომ მხეცებს შეინოდათ ამ წამლის, რომელსაც ხმარობენ მათი ტყავისაგან საფრთხობის გაკეთების დროს. მთელი დამე იჯდა რაბაზონი განაბული თავის ვალიაში, მაგრამ მას შემდეგ არავინ არ ვაკარებია მის კარავებს. მეორე დღეს მან გადაწყვიტა შემდეგი ღამისათვის სხვა ხერხი გამოეგონა. ბევრი ფიქრის შემდეგ ახალი საშუალებაც ნაპოვნია იყო. თუ იმდენი მალე მოვიდნენ იმდენი მალე მოვიდნენ

ამოდ ჩაიარა ასე განგლო ოთახში ღამეებზე მესუთე ღამეს რაბაზონმა წარიკვეთა ყრველივე იმედი, მაგრამ ელექტრონის რეფლექტორითა და ტელესკოპით ტყის დათვლიერების დროს უცებ ხვთა შორის მან შენიშნა რაღაც უცნაური ცხოველი და კინდელამ დაივირა: „აჰა ესე ჩემი მიმინიო! მაგრამ თავი შეიკავა დასუნთქვა და შუღლი რაბაზონი მიწაზე განერთხო და დაუწყოს თვალყურის დევნა უხმოდ, რომ არ დაფრთხობო ცხოველი. უცნაურ ცხოველს, როგორც სჩანდა, სრულიად არ აკვირებდა რეფლექტორის სინათლე და თავისუფლად დასერირობდა ტყეში და ბოლოს მთლად მიიმაღა ხეებში. როგორ ხანგრძლივი და დაუსრულებული იყო რაბაზონისათვის მეორე დღე! ჯერ არც იყო შეღამებული, რომ მან კვლავ ანთო თავისი ფანარი და მოემზადა. თუ დიდხანს მოუხდა მას ამხანად ლოდინი, მაგრამ ბოლოს ხედავს ახლო ბაღახმა უცებ შრიალი დანწყობ და რაბაზონის წინმართადაც ათიოდე ნა-

ბიჯის მანძილზე მთელი თავისი სიმაღლით წამოიქცა სანატრელი ცხოველი. მეცნიერი ძლივს იკავებდა გულის ცემას და დიდის ყურადღებით ათვალიერებდა იშვიათ ცხოველს. მას კული არა ჰქონდა, ესა მოწითალო ბალანი და თავისუფლად დადიოდა უკანა ფეხებით, რომელნიც რამდენადაც მოასწრო რაპაზონმა შეენიშნა, ძალიან წააგვდნენ ადამიანის ფეხებს. ოთხელებიან ცხოველის ნაცვლად მეცნიერმა ნახა ორხელებიანი ცხოველი! ამან ძლიერ გააკვირა რაპაზონი. ცხადია,—გაიფიქრა მან—ჩემს წინ დგას ადამიანისა და მაიმუნის შემაერთებელი რგოლი, რომელსაც ამდენი ხანია ეძებდნენ მეცნიერები. მისი შეპყრობით რაპაზონის დიდება საუკუნოდ უზრუნველყოფილი იქნება.

რაპაზონმა დაიწყო მით, რომ თავის ახალ ნაცვლადს მაიმუნის ენაზე უსურვა საღამო მშვიდობისა, რაზედაც მიიღო პასუხი, რომლის გადადარგმნა ასე შეიძლებოდა:

— შენ კი რა მხეცი ხარ, ნეტავი?

რაპაზონმა მოისურვა მთელი თავისი მშვენიერებით მოსჩვენებოდა მაიმუნს და რეფლექტორის სინათლით ტანი გაიბრწყინა. ყველაზე უწინ ალაპლაპდა მისი მოზრდილი მუცელი.

— ფუ! რა საძაგელი რამ არის!—წაიბუტბუტა თავისებურად მაიმუნმა.

— ეჰე, მეგობარო! როგორც სჩანს ძალიან ძნელია შენი დაკმაყოფილება,—სთქვა ნაწყენმა მეცნიერმა.—საქმე იმაშია, რომ ჩემი ტანისამოსი ცოტა შეილანძღა მგზავრობაში, თორემ შენ რომ გენახე ჩემს ფრაკში და ორდენებში... ეს ოხერი, მეც ვღიროვარ რამედ... შენც შეილოსა, კაი რამა ხარ, ერთი! ნეტავ ხომ არ ფიქრობ, რომ ჩემზე უნოიანი ხარ?

საბედნიეროდ მაიმუნმა ვერ გაიგო უკანასკნელი ფრაზა და განაგრძობდა მეცნიერის დასუნვ ს. რაპაზონმა შეატყო, რომ მაიმუნს შიში შეეპარა.

— ეხ, დაილუბა საქმე!—გაიფიქრა მან,—ახლავე გაიქცევა. მაგრამ მაიმუნი მალე დამშვიდდა და ხელით ანიშნა მეცნიერს, რომ ის კარავიდან გამოსულიყო. ალბად მაიმუნს უფრო დაახლოვებით სურდა ადამიანის გაცნობა.

მაგრამ ეს მოპატივება მაინც და მაინც არ მოსწონებია რაპაზონს და მან თავის მხრით სთხოვა მაიმუნს შესულიყო მეორე კარავში. მაიმუნმა პასუხის ნაცვლად ზურგი შეაქცია მეცნიერს, სტაცა ხელები მუხის ტოტს და თვალის დახამხამებაში მიმაღლა დაბურულ მუხათა ხშირ ტოტებში.

— ახ, ეშმაკმა წაიღო შენი თავი, შე წყეულო აღმოხდა გულმოსულ რაპაზონს,—შენ ჩემზე ეშმაკი ყოფილხარ!

მეორე ღამით მაიმუნი კიდევ ეწვია სადარბაზოდ რაპაზონს მეცნიერმა ხელმეორედ სთხოვა შესულიყო კარავში, მაგრამ თხოვნამ ახლაც არ გასჭრა, მაშინ

რაპაზონმა გადასწყვიტა სხვა საშვლებით დამეგობრებოდა მაიმუნს და შეეტყუებია ის ხანაფანგში.

რამდენიმე საღამოს მეცნიერმა ივახშმა თავის ახალი ნაცვლის თანადასწრებით. ის ფიქრობდა გაედღივებინა მასში მსუნაგობა, რომლითაც ცნობილია ოთხხელებიანთა მოდგმა, და შემდეგ ესარგებლნა ამითი. მაიმუნი დიდის ინტერესით უცქეროდა მეცნიერის ვახშობას,სიამოვნებით შეექცეოდა თხილს, რომლითაც მას უმასპინძლდებოდა რაპაზონი, საზოგადოდ თანდათან უფრო ფამირიალულად ეპყრობოდა მას, მაგრამ იმ კარავში, სადაც ცალკე მისთვის გამზადებული იყო ვახშამი, ის უფროთხოდა შესვლას, თითქოს იცოდა, რომ რაპაზონს შეეძლო ერთი თითის მოწვევით ჩაეყეტა იგი იმ კარავში.

რადგანაც არც ერთმა მისმა ხერხმა არ გასჭრა, რაპაზონმა ბოლოს მიმართა უფრო ენერგიულ ლონისძიებას—ის გამოვიდა კარავიდან და დაიწყო ვახშამობა გარეთ, სუფთა ჰაერზე. რამდენიმე დაჟინებითი მოპატივების შემდეგ მაიმუნი გაბედულად მიუჯდა მუხის ქვეშ გაშლილ სუფრას და მადიანად გაიზიარა მეცნიერთან ვახშამი.

ეს კი უკვე იყო გვარიანი გამარჯვება, რომელიც უსათუოდ უნდა გამოეყენებია მეცნიერს.  
(დასასრული იქნება).

## წერილი რედაქციის მიმართ.

ქ. კვიჩინარის უფასო წიგნთსაცავ-სამკითხველოს გამგეობა უღრმეს მადლობას უცხადებს სოფელ ჯიკვიანის მოქალაქეს\*) დღეს კიჩინარის ქალაქის მოურავის მოადგილეს ნიკიფორე გიორგისძე დოვლათაშვილს, რომელმაც კეთილ ინება და შემოსწირა ჩვენმადა მიწუნებულ ქალაქ კიჩინარის უფასო წიგნთ-საცავ-სამკითხველოს სამი ცალი „ნაკადული“ 1911 წ. და ორი ცალი „ჯეჯილი“ 1902 წლისა.

კვიჩინარის ქალაქის მოურავი სიმონ დ. დოვლათაშვილი.

P. S. ვსთხოვ რესპუბლიკის ყველა ჟურნალ გაზეთებს ზემო აღნიშნული ცნობა გადაბეჭდონ თავიანთ გამოცემებში.

ს. დ. დოვლათაშვილი.\*\*)

## ფოსტა.

გვსლიანს. თქვენ იწერებით „ჩემი წერილის შინაარსი ამოღებულია“ მამაცხონებულო, შინაარსი თუ ამოღებულია ჩვენ რალას გვიგზავნიდით?

\*) როგორ მოგწონთ: სოფლის მოქალაქე! ეშმაკი.  
\*\*) ადგილის უქონლობის გამო ეს წერილი შემოკლებულია 25 ჯერ. რედაქცია

უშინაარსოთ ხომ მოგეხსენებათ წერილი არ ვარჯა.  
 ფრენიანოს. გარწმუნებთ, რომ „სცენა“ თუნ-  
 დაც ის „გურული“ იყოს სხარტული და მოსწრე-  
 ბული სჯობია.

ი—ვილს. ჩვენს რედაქციას ძლიერ მოეწონა  
 თქვენი გულახდილობა. თითქმის ყველა კორექსო-  
 დენტები ასე გვწერენ: „ჯერ ეს დაგვიბეჭდეთ და  
 შემდეგ უკეთესებს გამოგიგზავნით.“ ჩვენ მათი  
 არ გვჯერა. თქვენ კი იწერებით:

„ეს შემისრულე მანემდის,  
 მიიღე ჩემგან ვალათა“

და შემდეგისთვის მოგწერავ,  
 უფრო ვარესებს კვალათა.“

აი ეს კი გვჯერა.

ოთარას. ჩემო ძმაო ოთარაო,  
 ეგ რა საქმე მომხდარაო  
 შვილი ლექსებს იწერები  
 მამა ხომ არ მომკედარაო.

შ. გ.—ელს. თქვენ იწერებით: „ნუ გაგიკვი-  
 რდებათ, რომ წერილები ჯორის წიხლებსავით მო-  
 გაყარეთო“

მეგობარო, არც გაგვიკვირდება, არც გვეწყინე-  
 ბა არც გვეტკინება.

### მუუდრო ცხოვრება.



ქ-ნი ანტანტა. გერმანიას იარაღი აყვარე... ოსმალეთი და ავსტრო-უნგრეთი დავარდიე... რუსეთი  
 დაიქცა... ვინ გაბედავს ეხლა ჩემი ხელის შეხებას.

### პროგრესი აღსრულის საქმეში.



**ახალი პედაგოგი.** როგორ მოგწონთ ეს ყმაწვილი: IV კლასის მოწაფე გახლავთ!

**ძველი პედაგოგი.** გასაოცარია, გასაოცარი! ეს ხომ ნამდვილი სასწაულია! დაუჯერებელი რამ არის ასეთი წარმატება რაღაც 2-მ წელიწადში?! როგორის ნაბიჯით მიდის წინ პედაგოგია!.. ასეთს შედეგებს ჩვენ 8 წლის განმავლობაში ძლივს ვაღწევდით, თქვენ კი რაღაც ორ წელიწადში! ის-ღა დამრჩენია, რომ მუხლი მოვიდრიკო ახალი სკოლის წინაშე!.. მაინც, როგორ ახერხებთ ასეთ მოკლე დროში ამ საოცარი შედეგის მიღწევას?

**ახალი პედაგოგი.** გიკვირთ განა? ჰა-ჰა-ჰა! საქმე პროგრამა გახლავთ, პროგრამა! თქვენ ძველ 37 საგანს ჩვენ მიუმატეთ რაღაც 19-ოდე საგანი... რუსული „ბილინები“ პირველ კლასში გადმოვიტანეთ, ინტეგრალები და დიფერენციალები უნივერსიტეტში მოვსპეთ და სამაგიეროდ მოსამზადებელ კლასში შემოვიღეთ! დღეში 15 გაკვეთილი დავაწესეთ, კვირა-უქმეები ავკრძალეთ... სისტემა კი ისევ ძველი დავტოვეთ, ხელიც არ გვიხლია!



გმილნი...